



FONDACIJA
ZA IZDAVAŠTVO
SARAJEVO

Na osnovu člana 8. Statuta Fondacije za izdavaštvo V broj: 541/08, br. 02-147/09, 02-278/09, 04-3-101/2020 i 04-1-2-53/25 i u skladu sa čl. 28. Pravilnika o procedurama i kriterijima Fondacije za izdavaštvo broj: 04-1-3-97/26, Upravni odbor Fondacije za izdavaštvo, na 24. sjednici Upravnog odbora održanoj 13.8.2026.godine
d o n o s i

P O S L O V N I K

o radu žirija za izbor korisnika sredstava za oblasti Podrška izdavačima za objavljivanje knjiga domaćih autora i prijevoda svjetske književnosti i stručne literature iz društvenih, humanističkih, ekonomskih i drugih oblasti, Periodika za djecu i odrasle, Odlazak na sajmove knjiga u inostranstvu i predstavljanje knjiga i autora

Član 1.

Ovim Poslovnikom o radu žirija za izbor korisnika sredstava za oblasti Podrška izdavačima za objavljivanje knjiga domaćih autora i prijevoda svjetske književnosti i stručne literature iz društvenih, humanističkih, ekonomskih i drugih oblasti, Periodika za djecu i odrasle, Odlazak na sajmove knjiga u inostranstvu i predstavljanje knjiga i autora uređuju se prava i obaveze članova žirija za izbor korisnika sredstava za oblasti Podrška izdavačima za objavljivanje knjiga domaćih autora i prijevoda svjetske književnosti i stručne literature iz društvenih, humanističkih, ekonomskih i drugih oblasti, Periodika za djecu i odrasle, Odlazak na sajmove knjiga u inostranstvu i predstavljanje knjiga i autora. Sastav, imenovanje, mandat i razrješenje članova žirija uređeni su Članom 28. Pravilnika.

Član 2.

Žiri odlučuje u punom sastavu na sjednicama, a sjednice održava prema potrebi. Članovi žirija vode zapisnik sa svih sjednica žirija i evidentiraju bodovanje rukopisa, uključujući obrazloženje dodijeljenih bodova i dostavljaju članovima Upravnog odbora Fondacije.

Sjednice žirija saziva predsjednik žirija.

Član 3.

Svaki član žirija dužan je pregledati sve prispjele prijave koje zadovoljavaju uslove Konkursa.

Član 4.

Odabir programa i projekata vršit će se u skladu s usvojenim Općim i Posebnim kriterijima. Opći kriteriji su navedeni u Članu 6. i Članu 7. Pravilnika o procedurama i kriterijima za izbor korisnika i dodjelu sredstava Fondacije za izdavaštvo a posebni su precizirani u Članovima 8, 9 i 10. pomenutog Pravilnika.

Član 5.

Žiri je obavezan izvršiti bodovanje pristiglih prijava te utvrditi najbolje rangirane prijave koje ostvaruju pravo na predviđene stimulacije/nagrade.

Konačnu listu ocijenjenih projekata Žiri dostavlja Upravnom odboru.

U slučaju sukoba interesa proisteklog iz članstva u nekom tijelu ili organu, ili ličnim odnosom s nekom osobom ili institucijom, a u vezi sa predmetom rasprave i odlučivanja član žirija obavezan je obavijestiti ostale članove žirija. U slučaju sukoba interesa žiri ne može odlučivati o tom predmetu.

Broj izabranih projekata određuje se zavisno od predviđenih sredstava za nagrade.

Član 6.

Listu ocijenjenih projekata konačno verificira Upravni odbor Fondacije za izdavaštvo, nakon što ocijeni da je žiri radio u skladu sa Poslovníkom o svom radu.

Član 7.

Do objavljivanja rezultata Konkursa imena članova Žirija neće biti objavljena u javnosti.

Član 8.

Predsjednik i članovi žirija će za svoj rad primiti naknadu u skladu sa odlukom Upravnog odbora.

Član 9.

Ovaj poslovnik stupa na snagu danom donošenja.

Broj: 04-1-3-98/26
Sarajevo, 13.8.2026.

PREDSJEDNIK
UPRAVNOG ODBORA

Mario Mikulić